

Н. И. ЖЕЗЛОВ

КПСС-н Хальмг тангъчин комитетин негдгч сеглэтр

Уурмуд! Тангъчин колхоз-никуд болн колхозницнр, совхозмудин, МТС-н, тосхлт-син, предприятиясин болн уч-режденьсин кѳдлмшчнр болн кѳдлэчнр, селэнэ эдл-ахун специалистнр! Хѳ ѳсглгъиг болн ноос гаргъдж авлгъиг цааранднь икдѳлхин тускар Ставрополин крайин селэнэ эдл-ахун кѳдлэчнрин авсн социалистическ даалгъврмудин хэрѳд КПСС-н Центральн Комитетин болн СССР-н Министрмѳдин Советин бичгт тэвгдсн тѳрмѳдиг, чикэр, государственн чинринь меддж хэ-лэдж, мана оln-эртнэ сээг кѳцсднь медсн Ставропольск крайин селэнэ эдл-ахун цуг кѳч-кѳлсчнриг мана партин Центральн Комитет йѳрэдж, мендлэжэнэ.

Крайин кѳч-кѳлсчнр мана орн-нутгин наадк областьсин, крайсин болн республиксин тѳлэд сэн ѳлгѳр ѳзѳлцхэв гидж КПСС-н Центральн Комитет темдгддж келдэжэнэ.

Уурмуд! Хѳбнэ тоогъар, торгън ноос болн каракульск хѳрсх гаргъдж авлгъарн Хальмг автономн тангъчин колхозмуд болн совхозмуд крайд хамгин ик чинртэ.

Мана партин Центральн Комитетин болн СССР-н Министрмѳдин Советин бичсн бичгин хэрѳд мана тангъчин селэнэ эдл-ахун кѳч-кѳлсчнр эн джил хѳбнэ тоог 375 минъгън хѳбгъэр икдѳлдж, хѳн болгънас багъ гихдэн колхозмудар 5-д килограмм, совхозмудар 5,2 килограмм ноос гаргъдж авхиг тетгх болдж шиидцхэв.

1960 джилд Хальмг тангъчин колхозмуд болн совхозмуд 3 сай хѳбтэ болхмн, элгдг 100 гектар газр болгъна тоод 304 килограмм ноос гаргъдж авхмн, каракульск хѳрсх гаргъдж авлгън зѳвэрт икдхмн. Ноос киргъдж авлгъна ут тонь 14 минъгън тонн кѳрхмн, эннь тегэд 1956 джилд киргъдж авсн ноосла

дунъгѳлхлэ 234 процент ѳсх-мн. Мана тангъчин ганцхн Сарпинск район багъ гихдэн 600 минъгън хѳбтэ болхмн, ноос киргъдж авлгъарн 30 минъгъ гар центнер кѳргхмн, тер нооснас 1,5 сай эрхн чинртэ сэн костюм кедж болхмн.

Элст балгъсна колхозмудин хѳ ѳсгэчнр, хѳбнэнь тоогъинь 280 минъгъ кѳргддж ѳсгх, ноос гаргъдж авлгъан 13400 центнер, эс гидж эдлгдг 100 гектар газр болгъна тоод 672 килограмм ноос авх болдж шиидцхэв.

Уурмуд! Орн-нутгиннь ѳмн авсн даалгъврмудан диилвртэгъэр кѳцэхин эрхд бидн арднь ордж шундж кѳдлцхэх зѳвтэвдн.

Хѳ ѳсглгъиг цааранднь делгѳлхин эрхд малин хот-хоолин кѳрнъгиг батлх зѳвтэвдн. ѳдгэ цагт колхозмудар болн совхозмудар хѳбнд ѳвс болн шимтэ хот-хол белдхин тѳлэ ноолдан болдж йовна. Цуг тракторн, тэрэнэ бригадс, фермс ѳвс хадлж йовцхана, силос белддж йовцхана. Цаглань, нег чигн ѳрлт угагъар ѳвс хурадж авх тѳр эрхн тѳр болджана, терѳнэ тѳлэд тракторар болн мѳрэр ѳвс хадлг машидиг цугтнь кѳдлѳлх кергтэ, эн кѳдлмшт цуг колхозникудиг, МТС-н болн совхозмудин цуг кѳдлмшчнриг болн ѳулд церглэчнриг, райодин центрмѳдин болн Элст балгъсна цуг кѳч-кѳлсчнриг орлцулх кергтэ.

Делгѳ орджах хуриг тоолдж сандж, колхоз болн совхоз болгънар эрднь-шишэ, сорго, суданск ѳвс, зарм, могоар, хар гуйр немдж тэрхмн, тиигэд малин хот-хоолин кѳрнъг немдж гаргъх кергтэ.

Одана авн эклдж хѳн ѳвлзх газрур, нег ѳлѳ Хар газрт ѳвс болн концентрированн хот-хол зѳбдж кѳргх кергт КПСС-н Центральн Комитет онц онгэн ѳгчэнэ.

Ода малин хашас делгѳ кергддж йовна, отар хѳн болгън неджэгъэд дулан кошарта болдг кех кергтэ, хургълх нэйднр хѳбдин 70 процентнь ѳвлэр хургълулх дулан хашагъар тетгдх зѳвтэ.

Уурмуд! Хѳ ѳсглгънд хамгин даалгъврта цаг ода ирв. Зунин халун сармудт хургълт онгэн ѳгч, нег чигн хѳ гару-туллго хадгълдг болдгар кѳдлцхэх зѳвтэвдн.

Эн джилд хѳбдиг гару угагъар хадгълдж гаргъад, терѳгэрн цаарандк джилмѳдт хѳн тѳргэр ѳсх батта ул кехмн.

Цуг колхозмудар болн совхозмудар хѳд делгѳ киргъгддж йовна. Эн кѳдлмшиг ноос гел уга сэнэр кѳцэдж, тангъчин колхоз болгън, совхоз болгън государствд орулдж ѳгх зурагъан июль сарин 1 шин кѳртл эрк биш кѳцэх зѳвтэ.

Хѳ ѳсглгънд эрхн голнь болгчнь—хѳбч болджана гидж партин Центральн Комитетин йѳрэлгънд заагддж келгддэжэнэ. Теднэ дамшлт сэн болхла, тедн кергэн сэнэр медхлэ хѳбнэ ѳслт болн терѳна шим-шѳусн сэн болхмн. Тер тѳлэд хѳбчнрин бээх бээдлг болн культури бээлгъиг ясрулх тѳрт онц онгэн ѳгх зѳвтэвдн.

Уурмуд! Хальмг тангъчин кѳч-кѳлсчнр КПСС-н ЦК-н йорэлин хэрѳд торгън нооста хѳд ѳсглгъэр болн ноос гаргъдж авлгъар бийсдэн авсн даалгъврмудан болзгаснь урд кѳцэхин тѳлэ чидлэн болн медрлэн нѳл уга ноолдхд магъдлад керг уга.

Мана Тѳрскнд сырье болн малин шим-шѳус икэр ѳгий, терѳгэрн мана оln-эртнэ бээдл-джиргъл цааранднь ѳргдѳлхд гатлгън сэн дѳнъгэн кѳргий! Мана цуг диилврмѳдин бѳрдэгъэч—Советск Союзин Коммунистическ партъ менд болтха!

Коммунизм тосхачнр—советск оln-эртн менд болтха!